

یوصون ایچنده بولندیریلورسه آیلرجه مدت محافظه لظافله صالونری کوزل بر باغچه حالده بولندیره جنی تحق ایتشدیر.

عرض اولنان اصول ایله یالکز صوغاندن یتیشن چیچکلرک دکل سائر هر درلو نباتا- تک ده تنبت و محافظه سی ممکن اولوب شوقدرکه بونلرک ادا مه حیا ورونقی ایچون محتاج اولدقلری طوبراق وکوبره یرینه بعض موادک استعمالی لازم کلیدور.

بویولده یتیشدیرلک ایسته نیلن چیچک، نبات، هر نه اولورسه اولسون، بولندیفی بردن کوکلری اینجینوب زده نجه جک صورته چیقاریلوب اول امرده کوکلرنده بولنان طوبراقلر کندی کندینه کاملاً تمیزله نجه یه قدر ایلیق صو ایچنه وضع ایله لیدر. صوکره بونک ایچون حاضرلانا و خفیفجه ترطیب ایدلش یوصونلرله املا ایدیلن قابک ایچریسنه کمال دقتله افقیلاً اوتوردیلهرق کوکلرینک اطرافی ینه یوصون ایله طولدیرلمه لیدر. بوخصوصده براز دقتسزک عدم موقعیتی انتاج ایدیه یله جکی جهته کوکلرک زده نجه مسنه بک زیاده اعتنا ایتک ایجاب ایدر.

بوندن صوکره ایش نباتک صولانه سنه قالیر. بونلره ویریه جک صویک بالاده عرض اولندیفی اوزره طوبراق وکوبره خاصه وقوتی حائر بولنه سی لزومه مبنی آتیده مندرج ترتیب ایله اسقا مناسب اولور.

۲۸۰	آزوتیت نشادر	Azotate d'amonique
۳۰۰	ثانی فوسفوریت نشادر	Biphosphate d'
۲۶۰	خام ککریله	Salpêtre brut
۵۰	ثانی فوسفوریت کلس (ککریله طوز حالده)	Biphosphate de chaux en poudre fine
۱۰	کبریتیت حدید	Sulfate de fer
۱۰۰۰	یکون	

بوتربیدن ایکی غرام مقداری برلیتره صویه قاریشدیریلوب استحصال اولنان صودن هفته ده بردفعه ایکی اوچ قاشیق ویربله رک سائر کونلرده عادی صو ایله ازوا ایتک تأمین مقصده کفایت ایدیور. آره صره

صوی ده ترک ایله کندی حالده براتق فاندیهی موجب اولور.

بویولده یتیشدیریلن چیچکلر بتون یاز طراوت ولطافتی محافظه ایدرهک اوطه لر مزی، صالونلر مزی ترین ایده جکی جهته چیچک یتیشدیرمک وبو چیچکلرک طراوتی مدت مدیده محافظه ایتک آرزوسنده بولنانلره صورت مخصوصه ده توصیه ایدره ز.

تاریخ

«بیوریدر»

تاریخ خلقت عالم، صحت اوزره معلوم دکلدیر. قبل الطوفان سرزده ساحه ظهور اولان وقایعک اک مهملری (۳) در:

- (۱) حضرت آدم ایله حضرت حوا- تک (ع) جنت اعلا دن چیقاردقلری؛
- (۲) اولاد آدم دن قابیلک، هابیلی قتل ایتیه سی؛
- (۳) انبیاء عظام دن (شیت) علیه السلامک تولدی.

شوراسی معلومدرکه قبل الطوفان بر طاقم اقوام موجود ایدی: توراک «تکوین عالم» بحثی بونی مؤیددر. فقط بعد الطوفان، یر یوزنده، حضرت نوحک (ع) انتخاب بیوردیفی مؤمنین ایله اوچ اوغلندن واراض اوزرنده حیات منطقی اولماق اوزره انواع حیوانان دن آدیفی برر چفتدن باشقه هیچ برشی قالمامشدر. مؤخرآ نوع بشرک، حضرت نوحک (یافت، حام، سام) ناملرنده اولان اوچ اولادی ذریتندن — نه یولده تکثر ایتسکلرینی تاریخ بزه بیلدیریور: یافت، آروپایه چکلمش؛

حام، آفریقاده تمکن ایتش؛ سامده آسیا طرفلرینه کیتش. [۱]

اقوامک وطن اصلیلرندن شوصورتنده انفکاک و تباعدلری، اخلاق و عادات قدیمه لرینک نسیاً منسیاً حکمنه کیرمه سی موجب اولمش اولدیغندن معبودلر تکثر ایتش، اصنامه پرستش چوغللش.

خالقی شوکر یوه ضالالتدن قورتارمق ایچون جناب حق انلره حضرت ابراهیمی (ع) بعث وارسال بیوردی. صوکره لری حضرت ابراهیم، — ۱۹۶۲ قبل المیلاد — زوجه سی (ساره) ایله برابر بر کنعانه هجرت ایتدی. ایکی اولادی اولدی. ایکسی ده نبوتله مشرف اولدیلر. بونلر ساره دن تولد ایدن (حضرت اسحق) ایله هاجردن کلان (حضرت اسماعیل) علیهما السلام ایدیلرکه برنجیسی بی اسرائیله ایکنجیسی قریشیلره پدر اولمشلردر.

حضرت اسحق علیه السلامک اوغلی حضرت یعقوبک (۱۲) اولادی اولدی. بونلر مؤخرآ اون ایکی یه منقسم بولنان بی اسرائیل قبائلنه ریاست ایتدیلر. حضرت یعقوب، زوجی (رحیله) دن متولد یوسفی، سائر اولادندن زیاده سودیکی، وسمیا، ایلریده مظهر لطف بی پایان الهی اوله جغه دائر بر رؤیا کورلدیکی جهته برادرلری عربستان تجارینک بریسنه صاندیلر. تاجر حضرت یوسفی مصره کوتوردی. او زمان مصرده حکمران اولان ذات حضرت یوسفه اداره حکومتی تودیع ایتدی.

(مابعدی وار)

[۱] آفریقاده کی برلی اهالی — هندیلرله مشاهیرلرندن ناشی — سام نسلنه منسوب کی کو- رونیورلر مدت مدیده حال مجهولیتده قالمش اولان آفریقانک، هندنن چیقوب طرق اختلاطک فقدانندن ناشی وطن اصلیلرینه عودت ایدمه مش اولان اقوام طرفندن اسکان اولمش اوله سی اقتضا ایدیور.

شرکت مرتبه مطبوعه سی مدبری: آرین